

春秋集傳

十

卷一

賦

詩

書

禮

易

春秋

雜

春秋卷第二十一

張洽集傳

昭公



名裯襄公之子齊歸所生謚法威儀恭明曰昭

元年春王正月公即位

叔孫豹會晉趙武楚公子圍齊國弱宋向戌衛齊惡陳公

子招蔡公孫歸生鄭罕虎許人曹人于虢

公羊國弱作國酌齊惡作石惡

罕虎作軒虎後及罕達同號作鄆穀梁作鄆

左氏傳會于虢尋宋之盟也楚令尹圍請用牲讀舊書

加于牲上而已

舊書宋之盟書楚恐晉先歆故欲從舊書加于牲上不歆血所以不書盟

晉



人許之三月甲辰盟○劉氏傳此陳侯之弟招也何以
不稱弟諸侯之尊弟兄不得以其屬通也諸侯之尊則
弟兄曷爲不得以屬通諸侯非始封之君臣諸父昆弟
其在朝廷爵以德齒以官體異姓也族人不得以其戚
戚君尊尊也○胡氏傳公子者其本當稱也曰弟者因
事而特稱之也

三月取鄆

左氏傳季武子伐莒取鄆莒人告於會楚告于晉曰尋
盟未退而魯伐莒瀆齊盟請戮其使樂桓子相趙文子

欲求貨於叔孫而爲之請使請帶焉弗與梁其經曰貨以藩身子何愛焉叔孫曰諸侯之會衛社稷也我以貨免魯必受師是禍之也何衛之爲雖然季孫魯國何罪叔出季處有自來矣吾又誰怨然鮒也賄弗與不已召使者裂裳帛而與之曰帶其褊矣趙孟聞之乃請於楚曰魯雖有罪其執事不避難子若免之以勸左右可也封疆之削何國蔑有主齊盟者誰能辯焉莒魯爭鄆爲日久矣苟無大害於其社稷可無元也固請諸楚楚人許之乃免叔孫○程氏傳棄莒之亂而取之故隱辟其

詞○胡氏傳不曰伐莒取鄆為內諱也

夏秦伯之弟鍼出奔晉

左氏傳秦后子有寵於桓如二君於景其母曰弗去懼

選鍼適晉其車千乘書曰秦伯之弟鍼出奔晉罪秦伯

也后子享晉侯造舟于河

造舟為梁通秦晉道

十里舍車

一舍八乘為八

反之

自雍及絳

雍絳相去千里用車八百乘

歸取酬幣終事八反

九備

獻之儀始禮齋其一續送其八

司馬侯問焉曰子之車盡於此而已乎

對曰此之謂多矣若能少此吾何以得見女叔齊以告

公且曰秦公子必歸且聞君子能知其過必有令圖令

圖天所贊也○穀梁傳諸侯之尊弟兄不得以屬通其
弟云者親之也親而奔之惡也○胡氏傳夫后子出奔
其父禍之而罪秦伯何也春秋以均愛望人父而以能
友責人兄父母有愛妾猶終身敬之不衰況兄弟乎兄
弟翕而後父母順矣故不曰公子而特稱秦伯之弟云

許氏曰人君愛子使之寵貴以庶亂
適是禍之也志秦后子以爲世戒

六月丁巳邾子華卒

晉荀吳帥師敗狄于大鹵

公羊穀梁
作大原

左氏傳晉中行穆子敗無終及羣狄于大原崇卒也將

戰魏舒曰彼徒我車所遇又阨以什共車必克困諸阨
又克請皆卒自我始乃毀車以為行五乘為三伍荀吳
之嬖人不肯即卒斬以徇為五陳以相離兩於前伍於
後專為右角參為左角偏為前拒以誘之狄人笑之未
陳而薄之大敗之○穀梁傳中國曰大原夷狄曰大鹵
號從中國名從主人

胡氏傳按六月宣王北伐之詩其詞曰薄伐玁狁至于大原而詩人

笑之者謂不窮追遠討及封境而止也然則大原在禹服之內而狄人來侵攘斥宜矣其過在毀車崇卒以詐誘敵人而敗之非王者之師耳使後世車戰法亡崇尚步卒以變詐相高日趨苟簡皆此等啓之矣書敗狄譏之也○許氏曰亂世逐爭奇變滋起兵車重遲寢廢兆此矣箕與交剛皆書晉人至是書卿帥師狄強而晉衰

也

秋莒去疾自齊入于莒莒展輿出奔吳

公穀無輿字

左氏傳莒展輿立而奪羣公子秩公子召去疾于齊秋齊公子鉏納去疾展輿奔吳○程氏傳去疾假齊之力以入莒討展輿之罪正也故稱莒遂自立無所稟命故不稱公子自以爲公子可立也展輿爲弑君者所立而以國氏者罪諸侯也號之會雖國亂未與然諸侯與其立矣故欲執叔孫也稱莒展輿見諸侯之與其立也

叔弓帥師疆鄆田

左氏傳因莒亂也○杜氏注春取郕令正其封疆○趙氏曰凡疆田而書帥師皆有難也○劉氏傳何以書譏何譏爾以亂為利也

葬邾悼公

冬十有一月己酉楚子麇卒

公穀麇作卷

左氏傳秋楚公子圍使公子黑肱伯州犂城犂櫟邾

三邑

本鄭地鄭人懼子產曰不害令尹將行大事而先除二子

也冬楚公子圍將聘于鄭伍舉為介未出竟聞王有疾而還伍舉遂聘十一月己酉公子圍至入問王疾縊而

弑之遂殺其二子幕及平夏右尹子干出奔晉宮廐尹
子皙出奔鄭殺大宰伯州犁于邲葬王于邲謂之邲教
使赴于鄭伍舉問應爲後之辭焉對曰寡大夫圍伍舉
更之曰共王之子圍爲長○胡氏傳公子圍弑邲敖而
以疾赴諸侯曷爲因而不革乎曰圍弑君以立中國力
所不加而莫能致討則亦已矣大合諸侯于申與會者
凡十有三國其臣舉六王二公之事其君用齊桓召陵
之禮宋向戌鄭子產諸侯之良也而皆有獻焉不亦傷
乎若革其僞赴而正以弑君將恐天下後世非獨以篡

弑之賊爲不必致討又可從之以主盟會而無惡矣聖人至此閔中國之衰微而不振懼人慾之橫流而莫遏是故察微顯權輕重因諸侯之策書而不正其篡弑之罪所以扶中國存天理也

楚公子比出奔晉

左氏傳公子圍弑楚子右尹子干出奔晉宮殿尹子皙出奔鄭○蘇氏曰君弑畏偏而出

二年春晉侯使韓起來聘

左氏傳晉侯使韓宣子來聘且告爲政而來見觀書於

大史氏見易象與魯春秋曰周禮盡在魯矣吾乃今知
周公之德與周之所以王也

夏叔弓如晉

左氏傳叔弓聘于晉報宣子也

秋鄭殺其大夫公孫黑

左氏傳元年鄭徐吾犯之妹美公孫楚聘之矣

楚字
子南公

孫黑又使強委禽焉犯懼告子產子產曰是國無政非

子之患也唯所欲與適子南氏子皙怒旣而橐甲以見
子南欲殺之而取其妻子南知之執戈逐之及衝擊之

以戈子皙傷而歸告大夫曰我好見之不知其有異志也故傷大夫皆謀之子產曰直鈞幼賤有罪罪在楚也乃執子南放之于吳六月丁巳鄭伯及其大夫盟于公孫段氏罕虎公孫僑公孫段游吉駟帶私盟于閨門之外實薰隧公孫黑強與於盟使大史書其名且曰七子子產弗討二年秋鄭公孫黑將作亂欲去游氏而代其位傷疾作而不果駟氏與諸大夫欲殺之子產在鄙聞之懼弗及乘遽而至使吏數之曰伯有之亂以大國之事而未爾討也爾有亂心無厭國不女堪專伐伯有而

罪一也

見襄三
十年

昆弟爭室而罪二也薰隧之盟女矯君

位而罪三也有死罪三何以堪之不速死大刑將至再

拜稽首辭曰死在朝夕毋助天爲虐子產曰人誰不死

凶人不終命也不速死司寇將至七月壬寅縊尸諸周

氏之衢加木焉○劉氏傳稱國以殺大夫者罪累上也

黑有罪其以累上言何惡鄭伯也何惡乎鄭伯言不能

討有罪以放乎亂也其放乎亂奈何公孫黑伐良霄而

逐之君弗誅也以爲大夫又與公孫楚爭娶徐吾氏徐

吾氏歸于楚君放楚也而盟諸大夫黑於是自以爲卿

又將爲亂疾作而卧子產使吏數諸其家則幸而勝之

爾

冬公如晉至河乃復

左氏傳晉少姜卒公如晉及河晉侯使士文伯來辭曰

非伉儷也請君無辱公還季孫宿遂致服焉

三年傳曰鄭游吉如

晉送少姜之葬梁丙張趯見之梁丙曰甚矣哉子之爲此來也子大叔曰將得已乎昔文襄之霸也其務不煩諸侯令諸侯三歲而聘五歲而朝有事而會不協而盟君薨大夫弔卿共葬事夫人士弔大夫送葬無加命矣今嬖寵之喪不敢擇位而數於守適惟懼獲戾豈敢憚煩少齊有寵而死齊必繼室吾又將來賀不惟此行也張趯曰善哉吾得聞此數也然自今子其無事矣譬如火焉火中寒暑乃退此其極也能無退乎晉將失諸侯

諸侯求
煩不獲

○泰山孫氏曰公如晉至河乃復者六唯二十二

年書有疾明有疾而反餘皆譏公數如晉見距不能以

禮自重大取困辱也

劉氏意林曰道十乘之國至重也而動不以禮雖為之卑伏曲從猶

無益也適得輕焉吾以此觀之為國以禮者處勝人之地矣孔子曰恭而無禮則勞又曰事君數斯辱矣朋友數斯疏矣數猶數數也

進之不以禮者謂之數

○常山劉氏曰凡人君動止有

度豈可非禮而行又無故而乃復哉蓋進退皆非禮義

也

胡氏傳舉動人君之大節賢哲量之以行藏四隣視之以厚薄姦邪窺之以作止故有國必謹而後動此

守身之本保國之基也禮雖自卑而尊人亦不妄悅人

以自辱昭公不能據經守正失禮妄動是以進退失據

蓋習儀以亟而不明乎

禮之大節也其及也宜